

Održana zajednička edukacija revizora učinka vrhovnih revizorskih institucija u BiH

Ured za reviziju institucija u FBiH je 20. februara u Konjicu organizovao prvu zajedničku obuku za revizore učinka iz četiri vrhovne revizorske institucije (VRI) u Bosni i Hercegovini, i to VRI BiH, VRI FBiH, VRI RS i VRI BD.

Obuka je realizovana u okviru Plana edukacija za revizore u vrhovnim revizorskim institucijama u BiH za 2018. godinu, kojeg je usvojio Koordinacioni odbor vrhovnih revizorskih institucija u BiH.

Cilj ove radionice je razvoj institucionalnih kapaciteta revizorskih institucija, te jačanje profesionalnog pristupa reviziji učinka u BiH.

Ured za reviziju institucija u FBiH je, pored upoznavanja sa posljednjim izmjenama međunarodnih smjernica i standarda za reviziju učinka, revizorima predstavio i projekat kojeg provodi INTOSAI (Međunarodna organizacija vrhovnih revizorskih institucija) i koji se odnosi na izmjene Okvira međunarodnih standarda za vrhovne revizorske institucije.

Dio radionice je bio posvećen razumijevanju problema i izazova u javnoj administraciji, te kritička analiza revizorskih izvještaja. Ove radionice je moderirao Prof. Dr. Dženan Šahović, sa Umea Univerziteta iz Švedske.

Obukom je potvrđena potreba za kontinuiranom edukacijom, razmjenom znanja i iskustva, kako bi se osigurao kvalitet, profesionalizam i učinkovitost, te osigurao veći nivo povjerenja u vrhovne revizorske institucije u BiH.



Sarajevo, 21.02.2018. godine